

Сказка Катитесь сюда, санки мои



Эрясть-ащеть ляй омбокса атят-бабат, а синь ульсь ёмла цёранясна. Стясь шобдава цёранясь и корхтай алянцты:

— Аляй, тихть нурдонят! Аляй, тихть нурдонят!

Тись аляц нурдонят, а цёранясь корхтай тядянцты:

— Тядяй, патть цюкорня! Тядяй, патть цюкорня!

Панць тядяц цюкорня, щафтозень цёранясь гальцянзон да и тусь курькснема.

Озась нурдонянязонза и морай:

Гурь сей, нурдонязе!

Гурь тов, поласкязе!

Медь ламбама цюкорнязе!

Гай, тула мандонязе!

Лиссь каршезонза нумолнясь[1] (file://render-4/Work/!!!%20%D0%AD%D0%A2%D0%9D%D0%9E%D0%9A%D0%9E%D0%9B%D0%9) и корхтай:

— Вай, цёраня, кодама мазы мороняце. Морак тейньге.

А цёранясь корхтай:

— Озак элезон, мораса тейть моронязень.

Озась нумолнясь цёраняць эльс, а цёранясь мярьги:

— Тяни конить сельмонятнень.

Нумолнясь конезень сельмонзон, а цёранясь морай:

Гурь сей, нурдонязе!

Гурь тов, поласкязе!

Медь ламбама цюкорнязе!

Гай, тула мандонязе!

Гай!

Гай!

Гай!

Гайнефтезе коня ланга нумолнять, путозе нурдоняв, сонць тага морай. Лиссь каршезонза келаськясь.

— Цёраня, цёраня! Пяк ни мазы мороняце, морак тейньге.

— Мораса тейтьке, озак элезон да конить сельмонятнень.

Озась келаськясь элезонза, конезень сельмонянзон, тусть курькстома.

Цёранясь морай:

Гурь сей, нурдонязе!

Гурь тов, поласкязе!

Медь ламбама цюкорнязе!

Гай, тула мандонязе!

Гай!

Гай!

Гай!

Гайфтезе коня ланга келаськяць мандоняса, путозе нурдоняв, а сонць тага морай.

Тяни лиссь каршезонза кяжи пона врьгаскясь.

— Вай, вай, цёраня, кодама мазы мороняце, морак тейньге.

— Мораса тейтьке, озак элезон да конить сельмотнень.

Озась кяжи пона врьгазсь цёраняць эльс, конезень пиндолды сельмонзон, тусть курькстома. Цёранясь морай:

Гурь сей, нурдонязе!

Гурь тов, поласкязе!

Медь ламбама цюкорнязе!

Гай, тула мандонязе!

Гай!

Гай!

Гай!

Гайфтезе коня ланга кяжи пона вьргазть мандоняса, путозе нурдоняв. А сонць тага морай.

Тяни каршезонза лиссь оцю пря офтсь.

— Ох, цёраня, кодама мазы мороце, морак тейньге.

— Мораса тейтьке, озак элезон да конить полкш сельмотнень.

Озась офтсь элезонза, конезень полкш сельмонзон, тусть курькстома.

Цёранясь морай:

Гурь сей, нурдонязе!

Гурь тов, поласкязе!

Медь ламбама цюкорнязе!

Гай, тула мандонязе!

Гай!

Гай!

Гай!

Гайфтезе коня ланга оцю пря офттть, путозе нурдоняв и тусь куду. Аляц стафтсь тулуп, вьргазонь ор, келазень вазь да воротник, а нинге нумолонь гальцят.

Ефксть пец ваясь ведьс.

[1] (file:///render-4/Work/!!!%20%D0%AD%D0%A2%D0%9D%D0%9E%D0%9A%D0%9E%D0%9B%D0%91 Келаськянь

Иллюстрированные и озвученные сказки народов Поволжья.